

瑞金縣志

瑞金縣志

光緒元年開雕

邑之有志所以紀山川田賦營
建典章人物俾司牧者知政教
之所自出而生長斯土者有以
觀感而興起於有爲其言之典
要者則又備通志之采以附於
一省之文獻蓋志乘所關綦重
也瑞金志昉自前代邑令趙公
勲後踵修者凡三次

國朝康熙間朱令維高重修又閱
兩郭令續修以至淥初蔣公而
修輯愈詳蔣公名方增吾鄉前
輩也宰瑞時以文教治彈琴賦

詩與民休息而政無不行事無
不舉所新葺如

上諭亭

文廟及考棚城樓社稷壇先農壇城
隍廟毓秀臺等處既煥且堅而
殫厥心力者莫如邑志本博雅

之才加以勤敏越十月而稿成
余以癸酉秋承乏瑞金下車後
公餘索蔣志觀之喜其詳核整
贍內考秩官志見吾鄉官斯士
稱賢者三人培峯莊公廉介明
敏除奸崇學子居惓公毅節鴻

才興利去弊以經術古文訓士
士風爲之一振皆載在名宦至
淥初先生文章政事邑父老宿
儒猶能言之覽其志書亦可窺
豹一斑心竊慕焉余適奉大
憲檄催新志問諸邑紳乃知前

令孫於己巳招紳開局曾具稿
呈省事未竣而孫去自是費缺
淹滯者兩年余乃進邑紳相與
籌費務使衆情悅豫興事靡間
仍延舊時操管之士於己巳所
有者增之所闕者補之凡采訪

所收毋遺毋濫余雖譎陋昕夕
商榷釐訂不敢憚勞於夏五開
局數月歲事余於是知天下無
不可成之事也昔蔣公際恬熙
日久其所成就固卓卓可傳余
當瑞遭兵燹之後民物大非昔

比自愧樗櫟凡材於鄉先賢之
政績難以仰希然於要務所難
緩者寤寐不忘雖垣墉棟宇興
作數處未克如蔣公之徧及惟
志書一事繼前令而勉爲之幸
邑人響應迅於成帙其庶幾稍

步淥初先生之後塵與若夫殘
缺散軼稽考無由惟守闕疑傳
信之義其間規模粗具文采弗
彰則望後之君子以此爲繪事
之素云爾

時

同治十三年歲次甲戌仲冬月

署瑞金縣事北平籍武進

張國英



謹序

新修瑞金縣志目錄

卷首

凡例

纂修姓氏

舊志序文

舊志纂修姓氏

輿圖

卷一

輿地志

星野

氣候附

疆域

沿革

里甲鄉附村

山川

泉潭邱墓附

形勝

風俗

卷二

田賦志

瑞金縣志

目錄

一

賦役

屯田鹽課附

陂塘

物產

卷三

營建志

上

城池

學校

學田書院附表

公署

營制

鋪場通附教

卷四

營建志

下

祠廟壇瀆

藥局育嬰堂附塔養濟院普

倉儲

橋渡

茶亭附

園亭

寺觀

卷五

秩官志

職官

名宦

巡歷

寓賢附

卷六

選舉志

科目

欽賜附

薦辟

貢監

儒掾

武科目

武職

封贈

獎叙附

恩廕

世襲附

鄉飲

卷七

人物志

上

鄉賢

忠烈

義勇附

孝友

瑞金縣志

目錄

二

事功

卷八

人物志

中

文苑

義行

卷九

人物志

下

隱逸

耆壽

節孝

貞烈附女

方伎

方外附

卷十

藝文志

元明文

卷十一

藝文志

國朝文

卷十二

藝文志

國朝文

卷十三

藝文志

宋元明 國朝詩

瑞金縣志



卷十四

藝文志

文

新增文

卷十五

藝文志

詩賦 詞附

新增詩賦詞

卷十六

雜志

祥異

兵寇

記聞 舊書新告諭

新修瑞金縣志

凡例

一 瑞金志書自道光壬午年前知縣蔣方增重修後迄今五十三載諮訪文獻多就蕪沒今特博綜羣言掇其瑕礫事有隱滯援據徵之以冀審覈詳備足資考證

一 是書分十六卷八門曰地理卷一曰田賦卷二曰營建卷三卷四曰秩官卷五曰選舉卷六曰人物卷七卷八卷九曰藝文卷十卷十一卷十二卷十三卷十四卷十五曰雜志卷十六每門冠以總序中分小目若干冊亦各繫以小序其序言或仍舊或刪改或新撰務期確當至舊志序文便查閱

瑞金縣志

凡例

一

一 舊志輿圖簡明包括一覽了然郭志所刻縣境縣治諸圖已爲詳備蔣志復增縣境總圖載明四至八到縣城總圖卽載學校衙署書院在內較舊更爲該簡今悉刻於卷首地理之前以便觀覽

一 地理舊志首星野氣候附之次沿革次疆域里甲鄉村墟鎮附之今遵江西通志條目先疆域而後沿革繼以山川泉潭邱墓附之次形勝次風俗合爲一卷

一 田賦本任土作貢之義爲王政之大端而負版之式視民

數尤重蓋國以民爲本民以食爲天今依蔣志所考載入而屯田監課附焉至陂塘卽溝洫之遺實與田賦相表裏物產念生息之衆亦關土脈之盛衰是宜類而及之并志於田賦卷內

一營建各條自道光壬午後有修建者皆按條增入

一秩官自道壬午後職官名宦皆詳考增入惟署事代理各官各姓次序及接篆交卸年月無冊可查姑從闕畧舊附寓賢於巡歷之後足爲山川生色今仍備載

一選舉首科目次薦辟次貢監考志例舉人以後只載

恩拔副歲優貢而例貢職監概不載入但舊志所有不宜削去則

瑞金縣志

凡例

二

新者亦應增入儒掾卽附其後武科目接以武職文武分載眉目較清而

封贈

恩蔭俱屬

朝章應宜載入終之以鄉飲著憲老之義以上各條舊志所有皆查明增入惟咸豐丁巳年至同治甲子年粵寇迭擾邑境氛靖後邑中紳士捐資團練帶勇殲賊者得邀部議獎叙職銜臨陣戰沒者後裔得世襲武職皆前此所未有爰將獎叙附於封贈之後將世襲附於恩蔭之後以志新章

一 人物志甚繁分爲三則上鄉賢忠烈仍舊紀載孝友則採其有實據者增之事功必須偉績勿庸漫增中文苑義行稍有所增惟粵寇擾境時紳耆禦賊殉難及士民陣亡俱膺 部議獎卹入本省昭忠祠永祀者增之舊志所無爰立義勇一條附於義行之後其未經報 部事有實據者亦遵通志例增入隱逸無增耆壽節孝并貞烈及方技出俗者皆查實增之

一 藝文義主紀事述往昔告來今非徒尙詞章也舊志所載職官寓賢方外紳耆之作皆有闕政教名勝其詞旨雅馴者仍舊悉載間有詩句庸陋無足輕重者刪去十數首以

瑞金縣志

凡例

三

歸澄潔至賦爲古詩之流詞爲唐句之變舊志所載猶有風雅遺意仍悉載於詩後今新增詩文詞賦諸作皆搜采別擇用備體裁其有作者在前舊志遺漏者亦爲補入

一 雜志事非典常而瑣記備考志例所不廢蔣志分祥異兵寇記聞三條今仍之錄舊外自道光壬午後祥異考其日月以紀兵寇則於粵匪流竄迭擾邑境始末詳之記聞取其義闕勸懲者書以勵俗徒資談柄者不與焉

一 舊志選舉中姓氏下每添入贊美詞句四五言或十數言不知何昉爲省郡縣志所無今舊志所有姑仍其舊新增各人不敢沿襲率意稱揚志以備信好惡須出至公未可

以臆見妄加稱許也

一舊志卷尾附書目若干內如縣務綱目二十卷見文獻通考楊惟節讀史四集非非室文集等書刊本現存餘俱散佚

一瑞金向隸贛州今改隸甯都凡舊志所引府志皆加贛州二字以別之

一舊志鈔刻訛字甚多詳閱改正其有作者原本說文筆畫或依古通用雖與今體有殊皆非謬妄悉仍其舊至遇應避

廟諱

瑞金縣志

凡例

四

御名前志所未避者皆遵例敬避以昭恭敬

一書內凡有新增申說緣由者悉加按字其有舊志所本有者則云舊按續入者皆曰新增其餘各門亦有按類增入者不能一一瑣註

一藝文有時代在前今始補入又或其人詩文舊志已采今再增錄皆旁書一補字以分新舊

一此書始自前知縣孫於辛未孟冬開局延邑中文士纂輯至壬申綜稿兩次孫於九月解邑是冬輟局尙未完稿余以癸酉季秋攝瑞金篆視事後繫心此書甲戌夏五籌費開局延文士重理前稿或增補或刪改次第定稿其已定

者付梓工鋟板印刷裝集至甲戌仲冬時全書底成余於
簿書之暇商榷釐訂矢慎矢勤不憚勞瘁惟八鄉事件呈
報參差卷中或有遺漏識者諒之

武進張國英識

新修瑞金縣志姓字

董修 瑞金縣知縣 武進 張國英

瑞金縣教諭 廬陵 歐陽銘

瑞金縣訓導 高安 彭燊

總纂 舉人 邑人 陳芳

歲貢生 邑人 楊本初

南城縣訓導 邑人 鍾庚

協修 歲貢生 邑人 危傳中

歲貢生 邑人 鄒仁翬

歲貢生 邑人 陳膺森

瑞金縣志

纂修姓字

副貢生 邑人 楊道崙

分校 生員 邑人 楊家壽

生員 邑人 謝翎翔

生員 邑人 劉秀忠

生員 邑人 劉德全

嘉靖壬寅志序

番禺趙

勳知縣

古者列國掌記時事屬之史官自罷侯置守史廢而志興焉則志亦史之流也史在列國志在郡邑豈末務哉瑞金舊爲缺典勲令是邑初以民情土俗古今得失施爲先後與夫山川之條理區域之井徑戶口之消息漫無所攷乃於廣覽博採之餘蒐綴編簡漸次成帙尙俟君子損益始終之莆陽致政憲副林公有年三長咸集名家專門客歲秋九月應督府臺南李公徵由汀達虔以諾久要返經瑞金因以邑志請公慨然秉筆於開先堂纂修不閱月而稿成類分八卷首堪輿次官制學校人物宮室祀典文章雜志紀載維實義例維新

瑞金縣志

舊序

一

天書揭要細書附麗皆倣麟筆周語及門之士若有不能贊一詞者其爲義嚴而縝詳而不迂宏深而有體大而天地窮而古今明而君臣上下達而人倫日用微而鳥獸草木莫不深識而備錄之至於核名實廣職方辨善惡嚴勸懲所以勗斯人者又無不至是爲可稽也矣命工梓之以永其傳後之君子觀風問俗推變通時與民始終皆將於是乎徵焉

隆慶壬申志序

新昌呂若愚知縣

瑞金自建邑以來七百年矣未始有志志始於先令右坡趙君趙君遺澤於茲土者甚溥而莫此爲大若愚時披閱而三復之未嘗不感嘆興思焉然以諸名家之所作通志觀之則

於紀載尙多遺闕而序次先後亦未爲的謂之全書或歎焉
豈以趙君之賢未逮此與緣其草創之初咨訪未周甯闕所
疑以傳信將來其諸夫子作春秋存甲戌己丑夏五紀子伯
之意乎或曰志非趙君之自作而屬於莆陽林公公寓客也
期迄事而去始終不一月其未備也固宜嗚呼是則然矣茲
欲釐正而綴葺之垂千百年不刊之典以成趙君之美其容
以不慎乎山川形勝欲得其要害之自攷評人物欲不枉夫
是非之實計籌食貨欲周知夫公私之盈耗化導風俗欲窮
其滄漓變遷之故飭兵防而欲修夫禦備之實政校文藝而
欲酌夫文質之中稽祀典而欲表忠勵節有裨於風教於是

窮耳目之覩記詢之於邑中之耆舊各鄉里之長諸大姓之
家乘先達之遺文已而又質之鄉縉紳士質之學校之生儒
凡數月而始集乃慨然自信曰志其備是矣適會昌司訓倚
川潘君伯驤署茲學事雅知爲吾鄉博洽君子也思以屬之
未幾而督撫李公修虔南通志聞其名檄府主黃公聘之總
裁去矣乃進生員朱紫許宗慶楊永昌湯訓於公廡付以編
緝之事於聽政之下自爲考訂叅酌焉又數月始脫稿猶不
敢自是出以質之諸士民諸士民咸欣欣言曰綱舉而目張
事該而文信可以傳矣乃今知吾邑有文獻矣亟請募匠梓
之若愚蹙然曰趙賢令也林先達也余取其所纂述者盡更

張之將不嫌於僭乎且自余下車以來諸所創造及文詩悉紀錄之弗遺將不嫌於誇乎誇且僭余臯則安辭諸士民曰趙侯猶侯志也侯補其闕畧以成一代之令典謂有功於趙侯可也後之視今猶今之視昔侯遺後世以實錄使無遺亡無考索之勞謂有功於後世可也古之君子序人之績而亦不嫌於自序其績惟其公且信耳侯何臯之云嗚呼信斯言也臯則免矣功安敢當哉後之君子或因是而諒若愚之苦心榮多矣遂書以爲序

萬歷癸卯志後序

宜興 堵奎臨 知縣

瑞金之有志也自嘉靖壬寅先令趙公勲始創之越三十載

瑞金縣志

舊序

三

爲隆慶壬申呂公若愚續修之又越三十載爲萬歷壬寅而不敏臨至則舊編已蠹近事又將漫漶矣時與國子先生鍾君謨孝廉楊君以傑語次憮然有文獻不足之思因以陽秋之筆屬之而又延學博錢君明莫君汝侔舊歸化尹賴君聘及博士弟子楊可依謝元賞許繼濂楊正文相與咨詢參考補所見聞而又詳覈舊編訛者正之舛者秩之不經之典無益之詞剷且刪之以忠事呂公猶呂公之忠事趙公也雖然此其文耳遡觀土風民俗則有大可慨者昔也殷富今漸窘昔也愿樸今漸澆冠蓋供張奔命絡繹流移姦宄珥筆魚然有不竭蝸之涎而鑿混沌之竅也耶古稱三十年爲一世由

壬寅以至壬申又由壬申以至壬寅世再變矣不敏適承其
敝可徒諉諸運數已哉此所惴惴焉前愧古人後望來喆者
如其文則鍾楊諸君子力也其何不敏之有

萬歷戊午續志序

長樂 潘舜歷 知縣

古外史氏司職方圖籍以藏天府所以辨星野疆域分要甸
朝貢自漢唐以來有王圖三輔而班馬稱冠列載年譜文與
事比蓋放宣尼之麟筆而以備古今得失攷政事盛衰歷代
相沿志遂林立家持明月人挾秋霜何其繁哉文獻之徵聖
人所三致意則爲政亟收版籍非徒角侈筆乘誇富詞林已
也余受事瑞金五載於茲俛首簿書殫心肺石方俗吏面目

瑞金縣志

舊序

四

是愧何暇計及揆藻飛霞事况瑞之志始於嘉靖壬寅趙令
右坡續於隆慶壬申呂令望松而集其咸於萬歷癸卯堵公
圖南萃三令之長自堪不朽而擷芳於典故採華於鄉紳且
文學羽翼經師潤色洋洋灑灑豈非善刀之奏耶余奉以稽
覈藉爲條理又何能加潤洪流增青翠巘哉然而誦披李制
臺圖說一篇不數語而形勝民風臚若觀火兵防民事足動
飲水昕夕欽著蔡焉比又得項令承湖所著志補雖條各立
論語若開端似有起予之意未爲綜核之謀余卽陋其能不
竟此局而使圖說宏猷重光方策也矧癸卯距今已踰一紀
前志採摭微有去取則所以補缺往帙使漏無終湮紀載見

聞使事無遺佚余何敢讓焉唯是乘暇以圖捐貲而鋟詢之耆舊定以儒紳述則傳真義惟取續制勝則守乎圖說賦役則遵乎全書繼往以徵來奉上而信下其庶余之志乎至於出矩入規體裁或殊史法琴心瑤韻彙聚一皆彘尋總舊志之固然聊新知之附見余委不能爲異同耳書以明志

康熙癸亥志序

三韓
李文獻贛州府

國史與邑志有同乎曰不同國史貴略而邑志宜詳云取褒貶必以法斷而不可以意施史也徵據事狀必務明顯而兼尙宏該志也雖然太史陳詩以觀民風司會彙版籍以登於天府史也者合天下之乘而會歸之是史需志以成一統之瑞金縣志

舊序

五

模邑需志以開振興之漸邑之有志不綦重哉故昌黎入境首問圖籍晦翁守南康輒考郡志致治所關誠非纖屑也余奉

命守虔領屬城凡十二下車伊始搜閱屬乘欲以稽此一方天文星土戶口田賦科甲賓興山川人物此或闕略而不詳彼復編殘而靡繼不幾令觀風之使如武陵桃源人不知有晉魏以下事哉適瑞令朱君以修志請夫瑞巖邑也地隣閩嶠壤接長汀丙辰以來人心風鶴司牧者將拊循之不暇安能吮毫濡墨廣搜博訪以求遺事於當年乎乃三閱月而告成帙矣猗歟盛哉凡所爲天文之徵應星土之交配戶口之豐盈

田賦之沿革山川之繡錯人物之瑰偉忠孝節義之芳踪高人逸士之雅況一經披圖洞若觀火知令君之採摭多方折衷有要於以彰往開來不亦有典有則耶會今

詔修一統以之佐車書大同之盛焜燿史冊固以裕如匪僅以資問俗者之採詢已也用是樂觀厥成搦管而爲之序

癸亥志序

閩中 朱維高 知縣

攷古職方輿地所載史冊所傳凡山川秀絕人物魁奇多得之下州小邑幽遐僻陋之鄉其或風俗未興文教未啟必有人焉率先倡導之漸底於盛如西蜀之化始於文翁閩嶠之風開自常袞厥後山川人物雖近隸方域號都會者未嘗過

瑞金縣志

舊序

六

之虔州名勝甲東南山勢嵯峨章貢環滙英賢輩出官其地者政事文章先後輝映凡在屬邑宜皆承藉流風以自表見瑞金乃虔州之僻邑也雖不乏名山大川英流崎士然四方之輪蹄軒蓋亦罕有至者以故俗尙簡樸惟是服稼穡供租稅戶多絃誦有古遺風焉予之蒞是邦也思有以振起頽靡使之蔚然蒸變獨是蕞爾之區重以凋敝林壑荒寒井里岑寂間嘗憑弔其邱墟詢其父老曰某事昔賢之所遺乎某政某公之所釐定乎某水某邱高人韻士之棲遁乎未有能詳其姓名指其踪跡者於是欲稽其疆域沿革貢賦增減生齒登耗形勢險易以及人文之臧否習尙之淳漓皆茫乎無所

據余蓋惄然憂之迄今

天子詔修志以昭一統郡縣咸奉

命趨事余向之寂然憂者茲又凜然懼矣蓋吏奉

天子命牧此一方民且欲正風俗興教化以敷陳利弊若治內之
疆理貢賦生齒形勢人文習尚不能臚列而悉紀焉吏將何
以報

天子哉因是從七十載以來廣爲搜輯與邑之鄉紳楊長世朱康
侯生員楊枝高胡裕昆朱大仁博採傳聞載稽編簡沿舊綴
新黜浮補漏彙成一書其間山川人物秀絕魁奇或可備職
方而傳史冊至風俗教化雖未盡興起方今大臺加意斯民

瑞金縣志

舊序

七

率先倡導不在文翁常袞下屬吏咸得仰資政令以免淬於
一邑將見異日風教浸盛瑞邑之志其愈增美也夫

康熙己丑續志跋

邑人楊以兼涉縣知縣

瑞志修自康熙癸亥距今已二十有七年矣歲丙戌太守朱
公議修郡志請之撫藩二憲俱報可乃檄行贛屬十二邑俾
各修志以備採擇於是邑侯郭公敬厥事禮延明經朱雲映
謝重拔纂修孝廉謝重揚明經鍾定曦謝重揮生員朱大仁
胡裕昆叅訂較輯至於斟酌總核以兼不敏亦與其成焉竊
以邑之有志與國史無異且國史之足以信今傳後者悉本
於省郡志省郡志則皆集邑志而成使邑志舛謬卽他日國

史亦不足據以兼用是與同人矢公矢慎惟懼隕越以負令公暨諸大憲盛心至意中間天時人事文物風俗與乎營建貢賦民情物產二十有七年事蹟森然畢具不獨上備省郡志之徵取而仁人君子蒞斯土者亦藉是考其興替得失而發政施仁先後之間綱舉目張可循序而求矣爲卷之數十有一爲葉之數二百有奇始於丁亥迄於己丑凡三載而後告竣以兼謬與厥事於其成書爲跋數語於卷尾

乾隆癸酉志序

北海 郭 燦 知縣

誌之由來尙矣周官外史掌四方之志說者謂卽後世郡國之記古九邱之遺也厥後班固著漢書變太史公八書爲十

瑞金縣志

舊序

八

志以記漢家一代之制度源流井然詳而有體後世記載家多取裁於班氏而其原實自古開之蓋昔先聖王統御四海慮無以周知天下之故旣命太師陳詩以觀民風命市納賈以觀民之所好惡而又賢能有書風俗有書戶口有版山川疆域有圖有誌所以資考覽備遺忘興賢舉能移風易俗以成一代之盛治者胥於是乎在其所係顧不重哉今之省府州縣莫不有誌蓋亦猶行古之道也我

國家統一寰宇遐邇歸誠幘幅之廣振古未有恭逢

聖天子宵旰圖治

睿慮所周無間遠近一時封疆大吏莫不仰體

聖心諮諏民事謂四方寥廓事類殷繁前此雖有記載而時移事積非重加纂集未由盡知於是前奉制府黃公檄下各郡縣令依時舉行予以庚午之秋改蒞瑞金越明年辛未爰集紳士始議重修顧余以簿書繁冗未暇專志編纂乃延請信豐黃君天策總理其事復佐以邑諸生之賢而有文者若干人事未竣而黃君捐館舍繼請邑紳楊君子位續成厥功其間訂譌舛辨是非定義例酌去畱余亦職有微勞焉蓋嘗以謂志之作也義近於史凡正淫奢儉利弊興衰之故罔不載焉以備當事之採納以勸

盛朝之善治使載筆者或附會而失實或疎略而不明又或敘述

瑞金縣志

舊序

九

凡猥文彩不彰則

國家將焉用之余雖謏陋無聞每見郡縣志乘多可瑕疵求如向時海內所稱吳郡松江武功會稽甯北諸志卓卓在耳目者未可多得心竊慨之今是編雖未知於古人何如而要之兢兢祇慎毋濫毋遺聊爲此方存其掌故若夫遐摛遠攬增補潤色請以俟後之君子

道光壬午志序

青陽

王宗誠

江西學政

古者輶軒之使采風問俗不遺鄉邑余奉

命視學江右按試各郡每思搜羅典故諮訪舊聞有守缺抱殘致慨于文獻無徵者昔邱文莊云世有千載不刊之書無百年

不修之志志乘爲教化之本信今傳後豈不與國史並重哉
瑞金處萬山中爲甯都屬邑交錯于閩粵間順治初年土賊
陳其綸等分據銅鉢山羅漢巖嘯聚匪黨前今嘉興錢君剪
除之鄉民守要以禦敵至今各鄉咸以隘稱巖疆瘠壤官斯
土者治理殊難也蔣君淥初余昔年在京邸晤于同年淇稚
存齊中後二十年來今斯邑余兩至陽都得悉其廉明勤恪
雅合于循吏之所爲凡邑中有益于民生有關於風教者靡
不講求整飭大第就理持之以誠行之以實思深而慮遠不
爲苟且虛矯之治下車以來可稱實政在民矣今復以新修
邑志請質于余余三復觀之見其體例謹嚴筆墨淵雅如輿

瑞金縣志

舊序

十

地田賦營建秩官選舉人物藝文雜志條分縷晰綱舉目張
賢人君子之生于斯宦于斯僑寓于斯者咸得備書卽匹夫
匹婦之細行取其可信者亦纖悉備載毋濫毋遺地之靈人
之傑岡不昭示來茲鑑古證今汰虛撫實而志乃大備豈徒
舛者正之缺者補之遂足以繼前哲而光史冊哉淥初云延
邑中能文之士分類修纂閱十月而始脫稿矢慎矢勤用心
良苦江文通謂修史莫難于志其信然歟淥初又爲余言邑
中士民夙知尚義凡諸興建集衆力以成靡不踴躍趨事于
以知瑞金雖蕞爾偏隅而民情風俗猶有古遺風焉余益歎
淥初之賢誠不愧民之父母而瑞邑士民樂善好義能有以

成夫賢邑宰之賢也更可尙矣

壬午志序

陽湖 蔣方增 知縣

周禮外史掌四方之志卽所謂列國之記載如晉乘楚檣杭魯春秋是也顧其在列國也不聞以志名自晉陳壽作三國志譙周作葉陽國志志於是乎昉而後世省郡州縣因之由來尙矣瑞金志肇自前朝嘉靖壬寅迨

國朝乾隆癸酉凡六修規模畧具而體例未精予自乙亥秋來令斯邑觀風問俗首閱是書卽思所以考證而修輯之時甫下車見

上諭亭曰就傾圮謁

瑞金縣志

舊序

十一

文廟而兩廡漉漫殆不可辨齋宿

城隍廟則風雨頽然一椽僅蔽明是夫務爲急爰進都人士而勸輸之鳩工庀材次第就理則又修考棚以課士移建毓秀臺以培風水疏溝渠而水屬理孫新城樓而文象昭明經營荒度數載於茲蓋至是而邑無廢舉矣惟是數百年來風會遷移民物豐悴與夫典章制度治化人文垂諸邑乘者尚多未備余心歉然因於辛巳仲春大集紳耆悉心商確衆情踴躍詢謀僉同遂開局綿江書院延邑孝廉鍾奕德等分司其事網羅散軼載攷遺文沿舊綴新刪繁補缺於七十年來孝友節義之事蹟學士大夫之述作以至高流逸品遷客騷

人凡所題咏罔弗旁搜遠訪不憚精詳予雖簿書旁午鞅掌風塵一字一編必經手訂區區之心亦期無憾於前人無愧於來者而已閱十月而書成質之學使王蓮府先生頗韙其言爲製序以冠簡端促付剞劂顧以譾陋無文未遑潤色而綜名覈實崇正黜浮庶使後之君子信而有徵焉爾是

爲序

壬午志跋

新吳

廖駒龍

教諭

瑞邑志書自前明數修而後越

本朝康熙間亦屢修葺至乾隆癸酉復爲編纂距今七十年矣嘉慶二十年邑侯蔣淥初先生蒞此邦慨然有志振興凡關係民風文教者次第興修務求蕝事而尤諄諄於志乘以爲

瑞金縣志

舊序

十二

垂文獻而昭信典事不詳確既近於誣文不雅馴又失則陋斯舉爲獨難也用是敦勸樂輸籌資開局爲之網羅散佚攬摭舊聞復集邑中文學士相與旁搜而參訂之而余暨同寅範堂張君同與校讐之役維時學使者王蓮府宗伯按試陽都侯繕稟呈閱宗伯稱其體裁詳密條貫明備足爲不朽鴻編並嘉邑人士好義急公克襄盛舉首冠以序用答侯意焉夫志與史二而一者也郡縣之志載卽國史之權輿然史貴簡而志宜詳試請申其說今夫星野沿革地輿山川列象據形終古不易則宜詳於考据戶口有登耗田賦有損益風俗有淳澆藝文有去取此因勢而移與時爲易則宜詳於稽覈

若夫人物或以事功或以著述行誼或寒閨稚弱矢志冰蘖疑似者宜剟之隱滯者宜宣之此又難之尤難者也故江文通有言作史莫難於志而表次之亦以其義例紛繁恐編稽之失實耳今觀斯志綜計錄於舊篇正譌舛於曩冊其仍舊者固刪穢去冗其新入者亦嚴收慎擇以史例作志皆侯一人之精神所注而成政事之餘手不釋卷用以昭示來茲夫豈苟然哉昔陸彥淵本摯仲洽畿服經并一百六十家之說以成書名地理志而六朝任彥昇又增陸氏六十四卷謂之地志其卽郡縣諸志所由昉乎宋司馬君實序宋敏求志謂其開卷瞭然無慚博物方之斯志更何多讓方今我

瑞金縣志

舊序

十三

國家重熙累洽久道化成

皇上憲章稽古治洽同文薄海內外風移俗易瑞界粵閩山陬僻壤向年上寇蹂躪所在抄掠囂然不靖者今且變瘠土爲樂國矣而秀傑之士又往往出其間仁漸義摩俾遠近薰德善良油然而生其樂善之心而侯以江南名宿勤求治理本忠厚之意參以精粹之思勒爲成書是真能宏拊循教養之施而兼考獻徵文之務庶幾七十稔以前之文章釐然就正七十稔以後之事迹煥乎有光侯之功豈淺鮮哉余菲材譴陋幸附未光親見其所以始所以成讀竟遂援筆而爲之跋

瑞金縣志卷首

舊志纂修姓氏

明嘉靖壬寅始修

瑞金縣知縣番禹趙勳

威清道副使莆田林有年

生員邑人鍾訓

劉芳

隆慶壬申重修

瑞金縣知縣新昌呂若愚

生員邑人朱紫

瑞金縣志

舊志纂修姓氏

一

許宗慶

楊永昌

湯訓

萬歷癸卯重修

瑞金縣知縣宜興堵奎臨

國子監學錄邑人鍾譔

歸化縣知縣邑人賴聘

舉人邑人楊以傑

生員邑人楊可依

謝元賞

許繼濂

楊正文

萬歷乙卯增補

瑞金縣知縣繡水項元濂

萬歷戊午續修

瑞金縣知縣吳航潘舜歷

都勻府知府邑人楊以傑

元謀縣知縣邑人楊永安

獲嘉縣知縣邑人謝長達

舉人邑人楊以任

瑞金縣志

舊志纂修姓氏

二

監生邑人楊正學

生員邑人許繼濂

楊以位

楊正文

危能權

胡來章

康熙癸亥重修

瑞金縣知縣蜀閬朱維高

興安縣訓導邑人楊長世

弋陽縣訓導邑人朱康侯

上饒縣訓導邑人 楊兆鳳

廣昌縣教諭邑人 胡朝極

舉人邑人 朱世官

楊以兼

謝聘

楊方英

貢生邑人 胡來賀

謝惟璧

楊文明

瓊州經歷邑人 陳讓

瑞金縣志

舊志纂修姓氏

三

生員邑人 楊枝高

朱大仁

胡裕昆

康熙己丑續修

瑞金知縣晉江 郭一豪

涉縣知縣邑人 楊以兼

副貢生邑人 朱雲映

拔貢生邑人 謝重拔

副貢生邑人 鍾定曦

歲貢生邑人 謝重揮

舉人邑人謝重揚

生員邑人朱大仁

胡裕昆

乾隆癸酉重修

總纂

瑞金縣知縣灘縣郭燦

興平縣劉大年

儒學教諭南康縣賴蟠

儒學訓導新建縣裘玉予

拔貢生信豐縣黃天策

進士始興知縣邑人楊于位

瑞金縣志

舊志纂修姓氏

四

董修

貢生邑人賴定俸

監生邑人劉份

校閱

生員邑人楊兆諝

生員邑人謝柏嶠

生員邑人楊元直

生員邑人楊長縉

生員邑人朱芾

參訂

舉人揀選知縣邑人楊于淵

貢生安州州判邑人賴定瑤

副貢生邑人楊于莊

拔貢生 邑人湯 誥

生 員邑人賴定遇

生 員邑人胡文繡

監 生邑人鄧曰馭

生 員邑人楊安國

貢 生邑人李日炳

生 員邑人廖攀桂

道光壬午重修 總纂 瑞金縣知縣 蔣方增陽湖人

協修 瑞金縣教諭 廖駒龍奉新人

瑞金縣訓導 張金鎔貴溪人

瑞金縣志

舊志纂修姓氏

五

分校 舉人 鍾奕德邑人

貢生 陳起銳邑人

鍾章桂邑人

楊于節邑人

廩生 劉安蕙邑人

生員 危肇祥邑人


校錄 生員 楊其濂邑人

曾科韓邑人

廩生 危言邑人

楊國芸邑人

城縣



瑞金縣志

縣境總圖


二

圖 總

界都甯地栢




界昌會至



瑞金縣志

舊圖

繪圖




瑞金縣志

舊圖

三三






瑞金縣志

舊圖

四



綿江書院圖



瑞金縣志


舊圖

六



毓秀堂圖





瑞金縣志

舊圖

七



漢清橋圖

壽公堤

龍珠寺





瑞金縣志

舊圖



八

深隴梅峯圖



墩

教場



真君閣

瑞金縣志

舊圖

十

綠草湖圖






劉永

瑞金縣志

舊圖

十一







陳石山圖

瑞金縣志

舊圖



萬石圖



瑞金縣志

舊圖



銅鉢山圖





瑞金縣志

舊圖

十四

中洲圖






劉永




楊世珍寫



瑞金縣志

新圖

十六



瑞金縣志

新圖

